

Na osnovu člana 5. stav 2., a u vezi sa članom 1. Zakona o budžetima u Federaciji Bosne i Hercegovine («Službene novine Federacije Bosne i Hercegovine», broj 19/06, 76/08, 5/09 i 32/09) i člana 25. Statuta općine Zavidovići («Službeni glasnik općine Zavidovići», broj 5/08 i 5a/08), Općinsko vijeće Zavidovići na 17. sjednici održanoj dana 30.12.2009.godine, donijelo je

O D L U K U

o izvršavanju Budžeta općine Zavidovići za 2010.godinu

I – OPĆE ODREDBE

Član 1.

Ovom odlukom uređuje se način izvršavanja Budžeta općine Zavidovići za 2010.godinu (u daljem tekstu Budžet), upravljanje prihodima i izdacima Budžeta, prava i obaveze korisnika budžetskih sredstava, ovlašćenja Općinskom načelniku, Službi za upravu ekonomskih poslova i poduzetništva i pomoćniku načelnika Službe za upravu ekonomskih poslova i poduzetništva, u izvršavanju Budžeta za tekuću godinu, kazne za neispunjenje obaveza te druga pitanja u izvršavanju Budžeta.

II – STRUKTURA PRIHODA I IZDATAKA

Član 2.

Budžet se sastoji od općeg i posebnog dijela.

Opći dio Budžeta sastoji se od bilansa prihoda i izdataka, a posebni dio Budžeta sadrži detaljan raspored izdataka po budžetskim korisnicima i vrsti izdataka.

U bilansu prihoda i izdataka iskazuju se porezni i neporezni i drugi prihodi, te izdaci utvrđeni za finansiranje javnih izdataka na nivou općine na osnovu zakonskih i drugih propisa.

III – IZVRŠAVANJE BUDŽETA

Član 3.

Sredstva Budžeta osiguravaju se budžetskim korisnicima koji su u Posebnom dijelu Budžeta određeni kao nosioci sredstava po pojedinim pozicijama.

Član 4.

Korisnici Budžeta sredstva koriste samo za namjene koje su određene Budžetom i to do visine utvrđene u njegovom Posebnom dijelu.

Član 5.

Prilikom ugovaranja uslova za ispunjavanje obaveza iz Budžeta, korisnici Budžeta su dužni uzimati u obzir utvrđenu dinamiku priliva i odliva sredstava.

Član 6.

Služba za upravu ekonomskih poslova i poduzetništvo vrši plaćanje u ime svih budžetskih korisnika putem jedinstvenog računa Budžeta.

- 773 -

Član 7.

Postupak nabavke investicionih dobara i usluga mora se obavljati u skladu sa Zakonom o javnim nabavkama Bosne i Hercegovine («Službeni glasnik Bosne i Hercegovine», broj 49/04, 19/05, 52/05, 92/05, 24/06,70/06,12/09 i 29/09).

Član 8.

Budžetskim korisnicima nije dozvoljeno da stvaraju obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika.

Pomoćnik načelnika nadležne Službe ima pravo rješenjem obustaviti od izvršenja odluku koja je u suprotnosti sa Zakonom o budžetima u Federaciji Bosne i Hercegovine («Službene novine Federacije Bosne i Hercegovine», broj 19/06,76/08, 5/09 i 32/09) i ovom odlukom.

Član 9.

Organi koji u svom budžetskom razdjelu sadrže potrošačke jedinice – glave, budžetski su za njih nadležni.

Član 10.

Korisnici Budžeta preuzimaju obaveze za koje su sredstva namjenski iskazana u posebnom dijelu Budžeta, ako je njihovo praćenje usklađeno sa mjesečnim planom za izvršavanje Budžeta.

Član 11.

Služba za upravu ekonomskih poslova i poduzetništvo, u slučaju neusklađenog priliva sredstava u Budžet općine, može izmijeniti dinamiku odobravanja sredstava pojedinim korisnicima uz saglasnost Općinskog načelnika.

Član 12.

Služba za upravu ekonomskih poslova i poduzetništva, na prijedlog budžetskog korisnika može donijeti odluku o prestrukturiranju rashoda u okviru ukupnog iznosa odobrenog za budžetskog korisnika, najviše do 10% ukupno odobrenih rashoda za budžetskog korisnika.

U okviru odobrenog Budžeta utvrđuje se obim i vrsta rashoda za prestrukturiranje kako slijedi:

1. Plaće i naknade troškova uposlenih do 10% ukupno odobrenih rashoda za plaće i naknade;
2. Izdaci za materijal i usluge do 10% ukupno odobrenih rashoda za materijal i usluge;
3. Tekući grantovi do 10% ukupno odobrenih rashoda za tekuće grantove;
4. Kapitalni grantovi do 10% ukupno odobrenih rashoda za kapitalne grantove.

Izuzetno, preraspodjela sredstava dozvoljena je između budžetskih korisnika u okviru odobrenog Budžeta o čemu odlučuje općinski načelnik na prijedlog Službe za upravu ekonomskih poslova i poduzetništvo.

Član 13.

Hitni i nepredviđeni izdaci koji se pojave tokom budžetske godine, podmiruju se iz sredstava tekuće rezerve utvrđene Budžetom.

O korištenju sredstava tekuće budžetske rezerve odlučuje Općinski načelnik u skladu sa ovom Odlukom, a po dobijanju mišljenja Službe za upravu ekonomskih poslova i poduzetništvo.

Budžetsko izdvajanje za budžetsku rezervu ne smije preći 3% ukupnih prihoda isključujući primitke.

Pomoćnik načelnika Službe za upravljanje ekonomskim poslovima i poduzetništvom je obavezan tromjesečno izvještavati Općinskog načelnika o korištenju budžetske rezerve.

Općinski načelnik polugodišnje izvještava Općinsko vijeće o korištenju budžetske rezerve.

Član 14.

Ako se u toku godine poveća djelokrug ili nadležnost korisnika Budžeta donošenjem novog propisa, što zahtijeva i povećana sredstva ili se osnuje novi korisnik, sredstva za njegove troškove obezbijedit će se iz tekuće budžetske rezerve, a odobrava ih Općinski načelnik.

Ako se u toku godine smanji djelokrug ili nadležnost korisnika Budžeta donošenjem novog propisa, što zahtijeva smanjenje sredstava ili se ukine korisnik, neutrošena sredstva za njegove troškove prenose se u tekuću budžetsku rezervu ili na korisnika koji preuzima njegove poslove, a odobrava ih Općinski načelnik.

Član 15.

Osnovicu za obračun plaće, visinu toplog obroka, visinu regresa i visinu drugih naknada, za sve korisnike Budžeta utvrđivat će Općinski načelnik u skladu s raspoloživim sredstvima.

Član 16.

Visina dnevnica za službena putovanja u službama za upravljanje i službama organa uprave određuje se na osnovu akta koji donosi Općinski načelnik u skladu sa Uredbom o naknadama troškova za službena putovanja («Službene novine F BiH», broj 75/04, 43/07, 3/08 i 2/09).

Član 17.

Sav prikupljeni i naplaćeni javni novac koji pripada Budžetu općine obavezno se uplaćuje na glavni račun prihoda Budžeta.

Član 18.

Pogrešno ili više uplaćeni općinski neporeski prihodi u Budžetu vraćaju se uplatiocima na teret tih prihoda, a na osnovu rješenja organa koji je izvršio naplatu ili akta Općinskog načelnika.

Član 19.

Sredstva utvrđena u Razdjelu br.10 Glava 101 Budžeta pozicije «Naknade vijećnicima», «Naknade članovima komisija koje imenuje Općinsko vijeće», «Transfer za troškove izbora» odnosi se na naknade Općinskoj izbornoj komisiji shodno Zakonu i na troškove izbora u 2010. godini, kao i sredstva u razdjelu br.10 glava 102 Budžeta, pozicija «Transfer parlamentarnim grupama» koriste se po propisima koje donosi Općinsko vijeće.

Član 20.

Sredstva utvrđena u Razdjelu 10 glava 101 Budžeta pozicija «Transfer za obilježavanje značajnih datuma», «Transfer za obilježavanje državnih praznika i Dana općine», «Naknade za edukaciju i druge troškove vijećnika», koriste se prema aktima koje donosi Općinski načelnik.

Član 21.

Sredstva utvrđena u Razdjelu 11 Glava 111 Budžeta, pozicija «Nabavka stalnih sredstava», „Transfer za kupovinu zgrade Mjesne zajednice Gostović i Matični ured Gostović“, «Troškovi eksproprijacije», «Transfer za Savez općina i gradova», „Sredstva za subvencioniranje troškova (naknada) pravnim licima za prijem volontera“ i „Transfer za troškove TV prenosa sjednica Vijeća“, koriste se prema aktima koje donosi Općinski načelnik.

- 775 -

Član 22.

Sredstva utvrđena u Razdjelu 11 Glava 112 Budžeta pozicija «Transfer za sahrane », «Transfer Centru za socijalni rad», «Transfer za socijalnu zaštitu», „Transfer za podsticaj rasta nataliteta na području općine Zavidovići“ «Transfer Centru za kulturu-sanacija Doma kulture», «Transfer Centru za kulturu – za redovnu djelatnost», «Transfer za kulturne manifestacije », „Transfer za centar za rano podsticanje razvoja i ranu intervenciju za djecu sa posebnim potrebama“, «Transfer za podršku inkluzivne nastave », «Transfer za učenike generacije osnovnih i srednjih škola», «Transfer za posebno nadarene studente», «Transfer za općinska takmičenja u znanju osnovnih i srednjih škola», «Transfer Domu zdravlja za troškove investiciono održavanje građevinskih objekata i opreme», «Transfer za utvrđivanje smrti lica umrlih izvan zdravstvene ustanove», „Transfer za prevoz pacijenata na hemodijalizu“, “Transfer za predškolsko obrazovanje“, “Transfer za izgradnju, adaptaciju i rekonstrukciju objekata za predškolsko obrazovanje“, «Transfer za srednje obrazovanje», «Transfer za podršku omladinskoj politici », «Transfer za stipendiranje studenata», «Transfer za društvene organizacije i udruženja», «Transfer za Kantonalni arhiv Travnik», «Transfer OO Crveni križ“ «Transfer MDD Merhamet », «Transfer MDD Merhamet za sufinansiranje javne kuhinje», „Transfer Domu zdravlja za pružanje usluga penzionerima“, «Transfer za podršku vjerskim zajednicama i crkvama», «Transfer javnoj biblioteci-za kupovinu knjiga“, «Transfer za štampanje administrativnih taksi », «Troškovi provizije za prodaju administrativnih taksi», «Transfer za stambeno zbrinjavanje socijalno ugroženih kategorija», «Transfer za dnevni centar za djecu s posebnim potrebama», «Transfer UG Penzionera za nabavku lijekova», i «Transfer za fizičku kulturu i sport» koriste se na osnovu akata koje donosi Općinski načelnik.

Član 23.

Sredstva utvrđena u Razdjelu 11 Glava 112 Budžeta pozicija «Transfer mjesnim zajednicama » koriste se na osnovu akata koje donosi Općinsko vijeće.

Član 24.

Sredstva utvrđena u Razdjelu 11 Glava 113 Budžeta, pozicija «Transfer za razvoj turizma“ koriste se prema aktima koje donosi Općinski načelnik.

Član 25.

Sredstva utvrđena u Razdjelu 11 Glava 113 Budžeta, pozicija „Transfer za izradu investiciono tehničke dokumentacije za Radničku ulicu“, „Transfer za izradu investiciono tehničke dokumentacije za rekonstrukciju i dogradnju sportske dvorane „Sutjeska“, „Transfer za izradu investiciono tehničke dokumentacije za izgradnju i rekonstrukciju kanalizacije u naselju „Gvozdeni most“, „Transfer za izradu investiciono tehničke dokumentacije za fiskulturnu salu OŠ Vozuća-područna škola Ribnica“, „Transfer za izradu investiciono tehničke dokumentacije potisnog i dovodnog voda u naselju Vučjak“, „Transfer za izradu investiciono tehničke dokumentacije za izgradnju rekonstrukciju i sanaciju mosta u MZ Brezik, „Transfer za interventna sredstva za izradu investiciono tehničke dokumentacije“, „Transfer za troškove stručnog nadzora“, «Transfer za zaštitu i unapređenje životne okoline», «Transfer-učešće u finansiranju Agencije za lokalni razvoj», «Transfer-učešće u finansiranju Regionalne ekonomske zajednice», «Transfer za troškove izvršenja rješenja» i «Transfer za sistem upravljanja kvaliteta ISO 9001:2000» koriste se prema aktima koje donosi Općinski načelnik.

- 776 -

Član 26.

Sredstva utvrđena u Razdjelu 11 Glava 113 Budžeta, pozicija „Transfer za uvođenje trezorskog poslovanja“, „Transfer za učešće u zajedničkoj realizaciji projekata sa donatorima, kreditorima, fondacijama, viših nivoa vlasti i sl.“, „Transfer za uređenje infrastrukture industrijske zone Ekonomija-Batvice“, „Transfer za rekonstrukciju i sanaciju ulice „Radnička““, „Transfer za rekonstrukciju i sanaciju ulice Čumurana“, „Transfer za tekuće održavanje ulica“, „Transfer za održavanje i rekonstrukciju puteva prema spomen obilježjima („Klek“, „Blizna“, „Kota 715“), „Transfer za interventna sredstva za tekuće i vanredno održavanje nekategorisanih puteva“, „Transfer za signalizaciju i izgradnju grbina“, „Transfer za sanaciju klizišta“, „Transfer za zimsko održavanje lokalnih puteva“, „Transfer za rekonstrukciju, izgradnju i sanaciju lokalnog puta 8.km Mahoje“, „Transfer za rekonstrukciju izgradnju i sanaciju lokalnog puta Brašljevine – Vikovići“, „Transfer za rekonstrukciju izgradnju i sanaciju lokalnog puta Stavci- Gornji Kovači“, „Transfer za rekonstrukciju izgradnju i sanaciju lokalnog puta Vozuća-Crnjevo“, „Transfer za rekonstrukciju izgradnju i sanaciju lokalnog puta „Krivaja-Fazlići“, „Transfer za tekuće održavanje lokalnih puteva“, „Transfer za stambeno zbrinjavanje iz sredstava od otkupa stanova“, „Transfer za obilježavanje ulica, zgrada i mostova“, „Transfer za izgradnju, adaptaciju i rekonstrukciju školskih objekata“, „Transfer za uređenje i izgradnju zabavno-sportskih terena i parkova“, „Transfer za sanaciju fasada i zajedničkih prostorija kolektivnog stanovanja i ostalih dijelova objekata kolektivnog stanovanja“, „Transfer za izgradnju rekonstrukciju i dogradnju javne rasvjete u urbanom dijelu grada“, „Transfer za izgradnju javne rasvjete – Mećevići“, „Transfer za izgradnju javne rasvjete – Stipovići“, „Transfer za izgradnju javne rasvjete – Kovači“, „Transfer za izgradnju javne rasvjete – Vučjak“, „Transfer za održavanje javne rasvjete“, „Transfer za sanaciju rekonstrukciju i izgradnju platoa i pratećih sadržaja na lokalitetima: ŠPD – zgrada „Parnjača“; kod „Mostarke“ i zgrada „Žepačka“- ŠPD“, „Transfer za sanaciju kompleksa spomenika poginulim 1941.-1945.g.“ i „Transfer za izgradnju, rekonstrukciju i sanaciju drugih objekata zajedničke komunalne potrošnje“, koriste se prema aktima koje donosi Općinski načelnik.

Član 27.

Sredstva utvrđena u Razdjelu 11 Glava 114 Budžeta, pozicija «Izdaci za borce, RVI i porodice poginulih boraca», «Izdaci za raseljena lica i povratnike», «Transfer za Organizaciju porodica šehida i poginulih boraca », «Transfer za Udruženje RVI Zavidovići '92.», «Transfer za UG «Zlatni ljiljan », «Transfer branilaca „91.-95.“ », «Transfer za ortopedsku radionicu», «Izdaci za spomen sobu i spomen obilježje», «Transfer za projektovanje i izgradnju zgrade udruženja » i «Transfer za izgradnju lokalnih spomen obilježja» koriste se na osnovu akata koje donosi Općinski načelnik.

U okviru «Transfera branilaca „91.-95.“, sredstva se raspoređuju na slijedeći način: „Udruženju branilaca općine Zavidovići 1991.-1995.“- iznos od 15.000,00 KM, i za finansiranje plata i naknada za dva uposlenika (JOB) iznos od 18.000,00 KM.

Član 28.

Sredstva utvrđena u Razdjelu 11 Glava 115 Budžeta pozicija „Transfer za digitalizaciju urbanog dijela grada“ i «Transfer za regulacioni plan i prostorni plan » koriste se na osnovu akata koje donosi Općinski načelnik.

- 777 -

Član 29.

Sredstva utvrđena u Razdjelu 11 Glava 116 Budžeta, pozicija «Troškovi tima za deminiranje», «Transfer za trajno obilježavanje minskih i rizičnih površina», «Udruženje građana „Vatrogasno društvo“», «Transfer za sanaciju posljedica elementarnih nepogoda i drugih nesreća », «Transfer za Operativni centar », «Transfer za obuku i opremanje općinske profesionalne Vatrogasne jedinice», «Transfer za obuku i opremanje štaba, jedinica i povjerenika CZ», «Transfer za naknadu učešća ljudi i materijalnih sredstava u zaštiti i spašavanju», «Transfer za sanaciju, uređenje i opremanje skloništa», Transfer za nabavku vatrogasnog vozila i vatrogasne opreme“i «Transfer za nabavku ronilačke opreme», koriste se prema aktima koje donosi Općinski načelnik.

Član 30.

Sredstva utvrđena u Razdjelu 11 Glava 117 Budžeta, pozicija „Transfer za razvoj poljoprivrede“, „Transfer za deratizaciju“, „Transfer za održavanje javnih površina“, „Transfer za javnu rasvjetu-potrošnja“, „Transfer za uklanjanje pasa litalica“, „Transfer za pomoć i podršku Veterinarskoj stanici“ i „Transfer za nabavku opreme za komunalnu higijenu i uređenje kontejnerskih lokacija“ koriste se prema aktima koje donosi Općinski načelnik.

Član 31.

Namjenska sredstva ostvarena po osnovu posebne naknade za zaštitu od prirodnih i drugih nesreća, koristit će se u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća («Službene novine Federacije Bosne i Hercegovine », broj 39/03 i 22/06) i Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća («Službene novine Federacije Bosne i Hercegovine», broj 46/05) i prema aktima koje donosi Općinski načelnik.

Član 32.

Obavljanje platnih transakcija vrši se preko transakcijskih računa. Potpisnici naloga platnih transakcija putem računa su lica koja odredi Općinski načelnik.

Član 33.

Donacije koje nisu planirane u Budžetu, a ostvare se u toku godine, namjenski će se usmjeravati u skladu sa aktom Općinskog načelnika. Služba za upravu ekonomskih poslova i poduzetništvo će na osnovu pismenog dokaza o uplaćenju donaciji i drugoj odgovarajućoj dokumentaciji budžetskog korisnika izvršiti povećanje Budžeta na rashodovnoj strani, odnosno budžetskog korisnika.

Član 34.

Korisnici sredstava Budžeta namijenjenih za transfer dužni su najmanje jednom polugodišnje dostaviti izvještaj o namjenskoj upotrebi odobrenih sredstava, kao i o postignutim rezultatima iz aktivnosti koje su tim sredstvima finansirane, Općinskom načelniku – Služba za upravu ekonomskih poslova i poduzetništvo.

Član 35.

Za svako korištenje sredstava Budžeta nosioci potrošnje budžetskih sredstava dužni su aktima navesti broj razdjela i glave Budžeta, kao i naziv pozicije Budžeta.

- 778 -

Član 36.

Budžetski korisnici odgovorni su za zakonitost, svrsishodnost, efikasnost i za ekonomično raspolaganje budžetskim sredstvima.

Pomoćnici i rukovodioci budžetskih organa i tijela odgovorni su za računovodstvo, unutrašnju kontrolu i nadzor svojih Službi uključujući budžetske korisnike i potrošačke jedinice, odnosno budžetskih organa i tijela koja spadaju u njihovu nadležnost.

Član 37.

Nadzor nad korištenjem budžetskih sredstava od strane budžetskih korisnika obavlja interna kontrola i interna revizija u skladu sa Zakonom i provedbenim propisima.

IV KAZNE NE ODREDBE**Član 38.**

Novčanom kaznom od 1.000,00 KM do 5.000,00 KM kaznit će se za prekršaj odgovorna osoba korisnika budžeta:

1. ako sredstva Budžeta ne upotrebljava za one namjene za koje su sredstva utvrđena i ako preuzme obavezu iznad utvrđene u Budžetu (član 4.);
2. ako stvara obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika (član 8.);
3. ako postupe suprotno članu 34. ove Odluke.

V – ZAVRŠNA ODREDBA**Član 39.**

Ova odluka stupa na snagu narednog dana od dana objavljivanja u «Službenom glasniku općine Zavidovići», a primjenjivat će se od 01.01.2010.godine.

OPĆINA ZAVIDOVIĆI
- OPĆINSKO VIJEĆE -

Broj: 01-14-4664/09
Datum, 30.12.2009.godine

PREDSJEDAVAJUĆI
OPĆINSKOG VIJEĆA

ing.Radosav Petrović, s.r.

(M.P.)